



逸興隨想

李文朝(北京)

癸巳酉府海堂新咏

又到海棠初绽时，新风好雨润华滋。
苞含禹甸繁荣事，枝挂燕京丰硕诗。
缕缕清音飘雅苑，声声韶韵绕瑶池。
历经沧海桑田后，西府更妆展玉姿。

梁东(北京)

和李文朝《癸巳酉府海棠新咏》

欣逢绮梦放飞时，大地春风九谷滋。
异断踌躇删旧事，鹏程帷幄作新诗。
海棠着雨恭王府，国士濡毫太液池。
燕雀安知霄汉志，归来重塑庙堂姿。

蔡圣波(浙江·瑞安)

中秋乡思感赋

今夕银辉分外明，乡思又向月中萦。
望残天际寒蟾影，闻断云间远雁声。

几处难忘觞咏地，一轮长照别离情。
何当斫桂金桥架，把袂重修海上盟。

陈文林(浙江·温州)

水乡

欲觅前沙路尚遥，芦芽疯长鸭声娇。
漫江细雨风嵐驶，犹扯漁舟赶市潮。

雨后

群山淡抹水奔流，天朗苍穹晓雨收。
疏木无知犹滴答，数声小蕊爆枝头。

曹百灵(湖南·衡阳)

颂竹，用杜甫《新竹》韵

秀气织氤氲，清幽到十分。
缘情留泪迹，觉梦破苔纹。
节劲舒豪气，怀虚养瘦云。
风姿移画轴，谁匹板桥君。

徐克勤(浙江·平湖)

题癸巳邮票

岁岗交接炫世瞳，蹿天喜报闹星空。
漫街花瓣透春讯，灵性柔行巧竞龙。

张贻琏(安徽·宿松)

龙湖漫兴(四首录二)

碧泓千顷锁晨光，渔叟开机呼客忙。
二月春风堆笑脸，珠鳞闪闪入诗囊。

褪尽红裳水几湾，渔乡采藕趁冬闲。
泥锹直探龙宫殿，摩托兜风载玉还。

毛谷风(广东·深圳)

搭乘恺承兄途锐车沿高速路自粤返浙

岭外高秋覆载宽，粤山赣水隔窗看。
计程何止三千里，履险初经十八滩。
中夜长河星坠雨，平明旷野稻翻澜。
驭风掣电绕衢过^①，行路而今未觉难。
注：饶衢，江西上饶、浙江衢州。

临江仙·惠州王朝云墓，用纽约梁雪芸女史韵

湖上波光还似旧，重来为吊朝云。虫鸣鸟唱自相亲。君如花下梦，我亦客中身。万里南迁思作伴，蛮烟瘴雨伤神。六和亭畔瘗芳魂。霜钟犹浪水，风柳已摇春。

莫木(浙江·杭州)

春郊(二首)

东皇淑气满平沙，和煦春光吻翠霞。
庭院悄然生暖意，层峦隐约着轻纱。
门前杏蕊犹施粉，屋后儿童学种瓜。
万物欣荣原野绿，春从柳眼洒天涯。

春雷初动雨轻洒，溅玉飞珠万物嘉。
犁沼鱼虾嬉活水，芳园桃李绽新芽。
牛羊肥壮恋青草，蔬果丰盈映彩霞。
盛世农家人意好，小康美景羡人夸。

吕子房(四川·成都)

一痕沙·天路电塔

飞上冰峰电网，雪域霓虹绽放。
高塔入云中，顶罡风。人马攀登
天路，输送豪情无数。给力缆连心，荡
天音。

南歌子·晓月

晓月随山隐，晨风透曙开。清光
几缕向窗台。梦想伊人隔海燕归
来。别后吟红豆，相逢忆古槐。几
回鱼雁几徘徊。无奈玫瑰片片坠香
阶。

许德明(浙江·德清)

西江月·秋意

月上亭前幽树，风敲廊下青蕉，
暮空几朵白云飘，近处蛩声未了。
闲步西郊芳径，远观河上长桥，往来
车辆各喧嚣，谁解尘间烦恼。

癸巳迎春

灵蛇登位早逢春，雪后晴光一展新。
陌上软风催绿树，窗前爆竹闹红尘。
空谈误国本应鉴，实干兴邦亦有循。
喜看箴言成实事，好音随燕报来频。
注：1、“空谈误国、实干兴邦”：习近平总书记语。2、亦有循：循“科学发展”。

刘维斌(江苏·泗洪)

雨夜

屋檐雨滴声声漫，独坐灯前心若煎。
久病凭轩难一诉，觅词拈韵度流年。

题画

千红万紫正春明，蝶舞蜂狂鸟自鸣。
绿水鱼游猫伺岸，欲冲欲止瞪圆睛。

赵日新(黑龙江·萝北)

葡萄干

不再玲珑润，风干满脸纹。
酸甜味依旧，醇厚韵趋新。
浓缩半生累，铺陈一粒春。
丰华终是水，精品远浮云。

廖国华(湖北·荆州)

癸巳贺春(步韵养根斋)

梅开六十四番新，又伴江村守岁人。
手鼓频催蛇醒蛰，口琴徐唤鹊迎春。
宽杯共贺三巡满，陌路相逢一笑亲。
最是顽孙花下练，几多招式效陈真。

盆景树

栖居一何小，尺许着形骸。
已作佝偻状，终非正直材。
刀绳身自受，云水意难猜。
姿色诚堪诩，由人摆布来。

张耀斌(四川·泸州)

水调歌头·梦回故里步南山

离别故乡久，昨夜梦临登。漫游
幽径深处，修竹锁闲亭。驻足云边凝
眺，万叠翠峰缥缈，沟壑气腾腾。美
景佐诗酒，淑气伴烟升！宴归
客，惊陶令，喜相迎。几杯下肚，游子
凄诉异乡情。挥盏临岩长啸，更向蓬
莱炫耀，清酒度余生。永醉南山里，
休把利名争！

注：家住南山天台村。

戴寿泉(湖南·湘潭)

菩萨蛮·演绎枫桥夜泊五首(录二)

辞家历尽风尘累，行程已近江南
水。江上火船明，吴山画里青。

西风吹灶冷，人在三更醒。机器响丁冬，阊门来打工。

姑苏台上行人早，寒山寺里钟声袅。惊起夜鸟啼，无端翻手机。
“闻听潮有信，莫被烟光晕。北国旧时家，容颜犹似花。”

闫宝林(内蒙古·通辽)

清明雨

纷纷洒洒涨清溪，润绿南坡润北堤。
布谷一声耕事好，春光漫过小桥西。

登东方明珠

高处生寒惊在心，一江春水灌游人。
此时何事情怀悦，摘朵云霞披在身。

杜荣生(广东·连州)

春景

山清水秀日融融，燕舞莺飞桃李红。
放目乡间如画美，原来彩笔是东风。

吴树叶(湖南·涟源)

2013年春节感吟

春雨春风点万金，更兼好鸟送佳音。
柳丝随意轻轻舞，溪水含情细细吟。
红日有心临陋室，白云无碍入青岑。
柴门伫立遥相望，且借诗笺寄我心。

陈 坤(云南·景洪)

虞美人(诗词双回文)

寒江暮雨飘飞絮，碧水观春去。
欲终鞍马下河东，入谷驾车停道北登嵩。
残宵月色青山暗，至晓炎天淡。
曙红滩落远归鸿，近岸堰湖鸣啸应凉风。

回读：

风凉应啸鸣湖堰，岸近鸿归远。
落滩红曙淡天炎，晓至暗山青色月宵残。
嵩登北道停车驾，谷入东河下。
马鞍终欲去春观，水碧絮飞飘雨暮江寒。

编者注：此词亦可分别正读、倒读为两首七律。

李明华(湖北·蕲春)

题山家

鸟作邻居竹作笆，草塘水碧有鸣蛙。
山中春乱无人管，细雨窗前湿杏花。

余廷林(贵州·大方)

黄昏

村后村前尽抹丹，孩童喧闹夜莺顽。
那边谁拽长绳子，已把太阳拉下山。

村夜

空山寂寂鸟幽鸣，月色含羞风更轻。
远了泉声消了梦，心湖洒落满天星。

张天男(内蒙古·呼和浩特)

中华六人墓(录二)

吊屈原祠

萧瑟祠堂寂寞松，三峡水满渺无踪。
学诗淡忘离骚句，抚剑深悲太史公。
石梗江流风逆转，鲸吞海胆浪飞腾。
从来万古留芳事，都在千年一叹中。

谭嗣同墓前

石上青苔草上霜，残阳如血莽苍苍。
阴山北望埋新恨，海气南来感旧创。
断舌绝无一二句，砍头尚有两三行。
停船又为潇湘醉，老唾粘稠射大荒。

李同振(河北·石家庄)

浣溪沙·望雪

六瓣缤纷绽阔空，琼花境界漫无穷。
尘埃荡尽展晶莹。未靠高低争地位，
难凭贫富认门庭。不平之处更留情。

蝶恋花·踏青

燕子归来神采抖。唤醒清渠，唤醒渠边柳。
唤醒鲜芽身段露，招呼老少逍遥走。
野菜青青频引诱。不禁弯腰，挖起装提篓。
解饿从前多塞口，解馋今佐开心酒。

徐弘道(浙江·杭州)

冬至

冬至野风侵骨寒，只留松竹未凋残。
明年春动花还发，羞见娇姿媚靥欢。

元日

昨夜岁除拼一醉，今朝拈韵作新裁。
爆竹震开梅睡眼，好春忽地入窗来。

孔汝煌(浙江·杭州)

清明柯岩双亲坟前二阙

鉴水长流，柯山永记。妆楼针黹罗纨绮。
梦中羞绣彩鸳鸯。隔帘媒妁催芳蕾。
衰草丘坟，白头泪祭。
池塘春草伤心碧。世危长忆育儿艰，
年年唯有清泉酌。

云骨沧桑，慈航济渡。飘摇乱世归魂住。
勘舆生圹地亲临，依山面山儿孙护。
浪迹萍踪，风朝雨暮。
稻梁都为嗷嗷哺。可叹阶级烙严恩，
离离墓草情何诉。

丁垂赋(贵州·纳雍)

西江月·老农

常与犁锄作伴，喜和星月交谈。
禾苗茁壮势连天，多少汗珠浇灌。
子媳打工南去，小孙偎倚胸前。
累来白酒对青山，依旧粗茶淡饭。